



CONCURSO DE XÓVENES PREPARADORES SEMANA VERDE 2013

Un bo preparador é aquel que coñece á perfección a morfoloxía dos seus animais e despois dunha correcta doma, preparación e pelado, é capaz de facer resaltar as virtudes do exemplar que presenta, minimizando ó mesmo tempo os posibles defectos que poida ter. Este concurso consiste en que os xóvenes participantes demostren a súa habilidade na preparación de animais para a súa presentación en pistas de concurso e exposicións, aproveitando ó máximo as cualidades e posibilidades que ofrece cada animal.

Os fins perseguidos con este concurso son:

- * Animar ós xóvenes a interesarse e participar, dende moi cedo, nas tarefas de selección e mellora das súas explotacións.
- * Colaborar na profesionalización e autoestima dun sector que tradicionalmente foi menospreciado na nosa sociedade.
- * Asegurar a continuidade dos concursos, exposicións e subastas no futuro como medio imprescindible para a promoción, rendibilidade e continuidade das explotacións gandeiras.

BASES DO CONCURSO

CONDICIONS XERAIS

- 1.- O Concurso celebrarase o **Venres, día 14, ás 16:00h.**, no Recinto Feiral Semana Verde.
- 2.- Nel poderán participar todos aqueles xóvenes de Galicia e/ou socios do Clube que o desexen e a súa idade non exceda dos 30 anos inclusive.
- 3.- Por necesidades de espazo e organizativas, **o prazo de inscrición rematará o día 14 de Maio de 2013**, non tendo dereito a participar aqueles xóvenes que se inscriban con posterioridade a dita data.
- 4.- En xeral, para o pelado ÍNTEGRO dos animais, cada participante disporá de 2 horas, non obstante, os participantes de 15 anos e menores dispoán de 30 minutos suplementarios.

- 5.- A hora estipulada para o comezo do Concurso será para aqueles participantes que pola súa idade precisen as 2 horas e 30 minutos.
- 6.- Sendo o obxectivo do concurso, o formar e estimular ós xóvenes nas tarefas de doma, manexo e presentación de gando, cada participante estará obrigado a preparar (sen axuda externa) o animal co que vaia a concursar.
- 7.- Os concursantes participarán obrigatoriamente, con animais inscritos nas seccións do Concurso.

CONDICIÓN DE PARTICIPACIÓN

- 8.- Por razóns organizativas, as inscricións estarán formalizadas con un mes de antelación, a fin de dispor dos animais necesarios.
- 9.- Cada participante, terá que estar provisto e ter inscrito no concurso animal para o pelado.
- 10.- Os participantes que non dispoñan de animal propio para este concurso, terán que indicalo na súa inscrición e remitila á maior brevidade posible para poder asignarlle un exemplar.
- 11.- Os participantes poden solicitar calquera tipo de material ó Clube de Xóvenes Gandeiros no momento de formalizar a súa inscrición.
- 12.- Cada concursante terá que estar provisto de todo o equipo necesario para o pelado e a presentación do animais e todo este material será por conta do participante.

No momento de inicio do concurso os preparadores deberán:

- 13.- Presentarse á zona de Concurso co animal con que van participar así como todo o equipo de preparación e pelado.
- 14.- O animal con que se participe, debe de estar limpo, domado e sen ningunha rexión do seu corpo (cabeza, patas, rabo, pescozo, etc.,) pelada.
- 15.- Manter en todo momento ó animal baixo control, procurando non distraer nin molestar a outros concursantes.
- 16.- Unha vez expirado o prazo concedido para o pelado e preparación (2,00 ó 2:30 Horas según a idade) todos os concursantes deberán deixar o animal nas condicións que se atope e recoller o seu material.
- 17.- Os participantes disporán de 15 minutos para uniformarse e presentarse na entrada de pista.
- 18.- Obrigatoriamente terán que sair co animal preparado á pista, uniformados de **PANTALÓN AZUL E CAMISA BRANCA**.
- 19.- Antes do xulgamento dos animais en pista o xuíz comentará e valorará cada preparador o traballo realizado, dándolles as explicacións e consellos que en cada caso proceda.

XULGAMENTO

20.- O xulgamento do Concurso de Xóvenes Preparadores correrá a cargo de un Comité formado por:

- Dn. Jaume Serrabassa Vila, Xuíz Internacional de CONAFE.
- Dn. Bonet Cid Salgado, Presidente do Clube de Xóvenes Gandeiros de Galicia.
- Dn. Françesc X. Grau, Director-Xerente de Fefriga.

Serán misións deste Comité:

21.- Revisar previo comezo da competición que todos os animais non teñan ningunha parte do seu corpo pelada.

22.- Cumplimentar a Táboa de Valoracións estipulada para este fin, e que é a seguinte:

<u>VALOR</u>	<u>PARTES A PUNTUAR</u>
5 max.	CABEZA- PESCOZO
10 max.	LÍNEA DORSO-LUMBAR
10 max.	BARRIGA
7 max.	COSTELAR / CORPO
5 max.	PATAS
-	UBRE
10 max.	VALORACIÓN XERAL DO CONXUNTO
	APARIENCIA XERAL
	REMATE FINAL

23.- Avaliar o traballo individual que cada concursante teña feito na preparación e pelado, cumplimentando a Táboa de valoracións (punto 22).

24.- Colocar ós participantes e conceder a puntuación e premios, dacordo coas habilidades amosadas.

25.- Expoñer ante o público e concursantes as razóns e motivos polos que procederon á concesión dos premios e colocación dos concursantes.

26.- As decisións do Comité serán inapelables, por tanto, a participación implica acatalas e aceptalas con deportividade.

SECCIONS

27.- Xulgaranse todos os participantes nunha única sección.

28.- A sección será xulgada no espazo destinado ó pelado e unha vez rematado, se exporán ó público no ring de concurso.

29.- A entrada en pista será por rigurosa orde de idade de menor a maior.

PREMIOS

30.- A suma de puntos na avaliación realizada polo Comité establecerá a clasificación final do Concurso.

31.- Como contribución especial a este certame, o Clube de Xóvenes Gandeiros de Galicia, obsequiará con un trofeo ós Xóvenes Campión e Subcampión de Preparadores “Semana Verde 2013”.

32.- A participación supón a aceptación de todas as normas contidas no presente regulamento.

33.- A Comisión Organizadora decidirá sobre todas aquelas cuestións que se puideran plantexar na interpretación do regulamento, ou que non estiveran recollidas no mesmo.

CONCURSO PATROCINADO POR:

